

Congreso "Verslavingzorg" cu resultadonan positivo tocante e problematica di adiccion

ORANJESTAD – E congreso di "Verslavingzorg", cu lo tuma e siman aki, esta for di awe diamars, dia 25 di september, te cu diahuebs dia 27 den Westin Hotel, lo priminti di bira uno hopi grandi y cu lo duna e resultadonan positivo tocante e problematica di adiccion. Lo bay tin sesionnan den dia y anochi, cada uno cu diferente topico y grupo diferente.

PROGRAMACION VARIA DIRIGI RIBA GRUPONAN SPECIFICO

Aruba ta pasando den un epoca, unda cu adiccion ta afectando hopi di nos hendenan y p'esey mes ta di suma importancia pa atende e asunto aki, brindando nos hendenan tur e herment- y conocimiento necesario pa yuda preveni y combati e problematica aki. E congreso aki tin un programacion completamente varia y cada sesion ta dirigi riba un grupo meta especifico.

VARIOS ORADOR

Durante e congreso di Verslavingzorg lo tin varios orador presente, tanto local como di Corsou, St. Maarten, Saba y St. Eustatius, cu lo bin comparti nan experiencianan di tanto aña riba e tereno aki. P'e 3 sesionnan di den dia, tin capacidad di 300 stoel, pero e demanda ta grandi y reaccion ta hopi positivo. E suma pa participa na e tres dianan di den dia, ta 100 florin y esaki ta inclui almuerzo pa tur 3 dia, koffie y recepcion.

RAPPORT FINAL

Jan van der Straten a indica cu e congreso aki ta pa tur organisacion cu ta trahando directamente cu e problematica di adiccion. Intencion ta pa nan haya mas informacion cu ta posibel pa nan sa con pa yuda e hendenan combati adiccion. Aworaki tin un comision cu ta trahando hunto, p'asina tur instancia tin e hermentnan necesario pa sa con pa deal cu e situacionnan y pa sa unda mester busca yudansa. Despues di e congreso nan lo haya un rapport final



d.r.p.d. Sr. Willem van der Zee, kende lo ta un di e oradornan di e congreso, Paula Nahr di Switch Foundation y alabes lider di e congreso y Sra. Geraldine Muller.

tocante e problematica di adiccion, specialmente den nos hobennan.

NECESIDAD

Willem van der Zee, di Palier Forensische & Intensieve Zorg di Rotterdam, Hulanda, tambe lo ta presente como orador y un di e lidernan di e congreso. Willem van der Zee a bisa cu "Pa basta aña tabatin bon contacto cu diferente isla di Antias y Aruba. Asina a cuminsa mira e necesidad pa haci un congreso di nivel internacional. Desde aña pasa a cuminsa traha riba e concepto y e preparacionnan a bay hopi bon mes y awo e resultado final lo ta bisto durante e congreso aki.

ASPECTONAN

E congreso ta parti den tres topico hopi importante y relevante pa tur e personanan cu ta traha den e ramo aki. E 3 aspectonan cu lo bin dilanti ta: prevencion, tipo di metodo di adiccion y post cuido. E congreso lo cuminsa riba diamars 25 di september, pa 8'or di anochi na Westin Gallery.

SUBASTA

Jan van der Straten a splica cu: "Lo tin un excelente exposicion di 22 artista, cu a prepara un obra specialmente p'e ocasion aki. Pa exactamente 9:30PM

e subasta lo duna habri, unda cu tur e fondonan recauda lo bay pa Fundacion Maneho di Adiccion Aruba (FMAA) pa asina nan por continua cu nan proyectonan y nan trabounan pa cu tratamento di adiccion".

SESION GRATIS

P'esey mes lo tin 2 sesion di anochi cu ta completamente gratis pa publico, pero cada anochi ta dirigi riba un grupo especifico. Esaki no ta un problema na Aruba so, pero na hopi



Paula Nahr di Switch Foundation, Jan van der Straten y Sr. Willem van der Zee di Forensische & Intensieve Zorg di Rotterdam, Hulanda.



Miniposter di e Congreso Verslavings Zorg.

otro pais mas, incluyendo Hulanda.

PREVENION

Invitacion ta bay pa tur mayor, docente, director y hoben pa ta presente, ya cu na final di anochi lo entrega un modulo na tur

docente pa nan uza nan na scol pa haya sa con pa deal cu e hobennan y con por preveni cualkier tipo di adiccion. E hobennan mester ta 16 aña pariba.

DEDICA NA COMPANIANAN

Diahuebs anochi ta specialmente pa tur comerciante y dunando di trabou. Realidad ta cu hopi hende ta uza un of otro tipo di 'verdovingsmiddelen' y cu ta funciona normal. E anochi aki ta completamente dedica na e companianan, cu tin caso asina y cu nan kier mantene e trahado pasobra nan ta traha bon y kier yuda nan sali for di nan adiccion. Lo trata tocante prevencion pa nan no cay den otro y sigui aumenta nan 'ziekmeldingen'. Meta di e sesion aki ta pa duna e dunadonan di trabou e hermentnan, e conocimiento y e caminda pa cana, en caso cu nan haya confronta cu un trahado cu ta sufrir di un tipo di adiccion y cu

nan ta desea di mantene e trahado aki activo y integra den sociedad.

SWITCH FOUNDATION

Paula Nahr di Switch Foundation y tambe lider di e congreso aki a indica cu e reaccionnan ta hopi positivo. "Nos tin capacidad pa 300 stoel y mi mester bisa cu registracion ta casi completo. Mi ta hopi sorprende y contento cu e reaccion ta asina positivo".

EXITO

Ya por premira cu e congreso aki lo ta un exito rotundo, e interesnan ta hopi halto y ta sinti e necesidad den pueblo pa haya sa mas tocante e problematica di adiccion, cu ta afectando asina tanto familia na Aruba. □